

osobe sa 100% invaliditetom i način prijema vrši se u skladu sa odredbama Zakona o radu i opštim aktima tih poslodavaca.

#### Član 6.

Subjektiv iz člana 1. ovog pravilnika nisu u obavezi oglašavati potrebu za radnim mjestima na kojima zapošljavaju osobe sa 100% invaliditetom ako imaju svoje zaposlenike sa invaliditetom koji mogu obavljati te poslove nakon provedenog postupka profesionalne rehabilitacije i osposobljavanja.

#### Član 7.

Ako se na određeno radno mjesto prijavi više osoba sa 100% invaliditetom koji ispunjavaju sve potrebne uslove koje je poslodavac objavio i koji su utvrđeni opštim aktima poslodavca, prednost će se dati osobi koja putem intervju-a ili testa pokaže veći nivo znanja o poslovima i radnim zadacima koje će obavljati na tim radnim mjestima.

#### Član 8.

Osoba sa 100% invaliditetom koja smatra da poslodavac nije poštovao prednost pri zapošljavanju osoba sa invaliditetom ili da je prednost pogrešno utvrdio, ima pravo podnijeti prigovor nadležnom organu poslodavca, obratiti se i zatražiti kontrolu od strane inspekcije rada.

#### Član 9.

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

Broj 02-02/8-809/11

18. aprila 2011. godine

Sarajevo

Ministar

Vjekoslav Čamber, s. r.

459

Na temelju članka 32. stavak 6. Zakona o profesionalnoj rehabilitaciji, osposobljavanju i zapošljavanju osoba sa invaliditetom ("Službene novine Federacije BiH", broj 9/10), federalni ministar rada i socijalne politike donosi

## PRAVILNIK

### O BLIŽIM UVJETIMA U POGLEDU PROSTORA, OPREME I STRUČNE SPREME ZAPOSLENIKA U RADNIM CENTRIMA

#### Članak 1.

Ovim pravilnikom propisuju se bliži uvjeti u pogledu prostora, opreme i stručne spreme zaposlenika koji moraju biti ispunjeni za rad radnog centra i za obavljanje djelatnosti na osiguranju rada osobama sa invaliditetom koje se ne mogu zaposliti ili održati zaposlenost pod općim uvjetima, u poduzećima za zapošljavanje osoba sa invaliditetom ili u zaštitnim radionicama.

#### Članak 2.

Radni centar mora imati određen broj funkcionalno raspoređenih prostorija za rad i obavljanje djelatnosti za koje je centar utemeljen, a koje su izgrađene i uređene sukladno standardima.

#### Članak 3.

Radni centar kod koga osobe sa invaliditetom na radu imaju položaj korisnika usluga i kojima se osigurava i cjelodnevni boravak mora imati sljedeće prostorije:

1. spavaonice,
2. kuhinjski blok sa priručnim skladištem i drugim pratećim prostorijama za pripremanje i kuhanje hrane,
3. trezariju,
4. prostor za radne i terapijske aktivnosti, te aktivnosti slobodnog vremena,
5. sanitarno-higijenski blok,
6. praonicu rublja sa peglaonicom i sušarom,
7. radne prostorije za stručne i druge radnike.

#### Članak 4.

Prostorije iz članka 3. ovog pravilnika moraju ispunjavati sljedeće uvjete, a to da su:

1. svijetle i suhe,
2. vrata u prostorijama u pravilu, bez pragova, veličine propisane prema namjeni prostora, a zastakljena vrata da imaju zaštitu,
3. podovi izvedeni od materijala koji nisu klizavi i upijajući, a u spavaonici od toplog materijala, koji se lako održava, a nije upijajući,
4. prostorije gdje borave korisnici direktno prirodno osvijetljene i da imaju prirodno provjetranje, a pomoćne prostorije mogu imati vještačko osvijetljenje i provjetranje.

#### Članak 5.

Broj spavaonica ovisi od broja osoba sa invaliditetom, korisnika koji cjelodnevno borave u radnom centru.

Kuhinjski blok sa priručnim skladištem i drugim pratećim prostorijama za pripremanje i kuhanje hrane mora da odgovara uvjetima predviđenim u Zakonu o ugostiteljskoj djelatnosti ("Službene novine Federacije BiH, broj 32/09).

Trpezarija mora funkcionalno da bude povezana sa glavnom ili pomoćnom kuhinjom.

Građevinski objekat radnog centra, zavisno od broja osoba sa invaliditetom na radu i broja osoba sa invaliditetom kojima se osigurava cjelodnevni smještaj, mora imati prostorije za radne terapijske aktivnosti, te prostorije za aktivnosti slobodnog vremena.

U građevinskom objektu moraju postojati kupatila i mokri čvorova odvojeni za muške i ženske korisnike.

Praonica rublja se sastoji od prostorija za prijem, pranje, sušenje, peglanje, skladištenje i izdavanje rublja.

U građevinskom objektu mora biti odgovarajući broj prostorija za stručne i druge radnike.

#### Članak 6.

Za zagrijavanje prostorija mogu se koristiti svi postojeći oblici zagrijavanja, ali se mora voditi računa da sustav zagrijavanja bude tako postavljen i osiguran da se do maksimuma postigne sigurnost korisnika usluga radnog centra.

#### Članak 7.

Oprema radnog centra mora biti takve izrade da odgovara namjeni pojedine prostorije i kategoriji osoba sa invaliditetom na radu, odnosno korisnika usluga, te tehničkim, higijenskim i estetskim zahtjevima i da se može lako održavati ispravnom i urednom.

Spavaonice moraju biti opremljene ležajevima, stolom i potrebnim brojem stolica, ormarom za odjeću, posebno za svakog korisnika i zavjesom.

Oprema u prostorijama za radne i terapijske aktivnosti, te aktivnosti slobodnog vremena mora biti prilagođena broju, potrebama i mogućnostima korisnika usluga.

Ostale prostorije, zavisno od namjene i broja korisnika, moraju imati odgovarajuću opremu.

#### Članak 8.

Broj, stručnu spremu i kvalifikacije stručnih radnika potrebnih za obavljanje djelatnosti, radni centar utvrđuje svojim aktima, imajući u vidu broj i kategoriju osoba sa invaliditetom na radu i broj osoba sa invaliditetom korisnika usluga.

#### Članak 9.

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

Broj 02-02/8-810/11

18. travnja 2011. godine

Sarajevo

Ministar

Vjekoslav Čamber, v. r.